

PTPTN kutip hutang tertunggak RM37 juta

2,000 peminjam senarai hitam tampil buat bayaran

Oleh Norfatimah Ahmad
tim@bharian.com.my

KUALA LUMPUR: Perbadanan Tabung Pendidikan Tinggi Nasional (PTPTN) berjaya mengutip kira-kira RM37 juta hutang tertunggak daripada peminjam yang disenarai hitam, termasuk larangan ke luar negara.

Ketua Eksekutifnya, Yunos Abd Ghani, berkata jumlah kutipan yang dicatatkan awal bulan ini itu membatik kira-kira 2,000 peminjam.

"Pelbagai langkah diambil bagi memastikan PTPTN memperoleh semula pembiayaan pinjaman pendidikan mengikut jadual ditetapkan, bagaimanapun masalah masih timbul apabila ramai pe-

minjam yang ketika ini sudah bekerja tidak melaksanakan tanggungjawab mereka untuk membayar balik pinjaman," katanya ketika dihubungi di sini, semalam.

Sebelum ini, Menteri Pengajian Tinggi, Datuk Seri Mohamed Khaled Nordin, memaklumkan kerajaan memerlukan dana lebih RM5 bilion setahun menjelang 2013 bagi membiayai pinjaman pendidikan yang bertambah, selain membolehkan lebih ramai rakyat negara ini melanjutkan pelajaran.

Tahun lalu, Dewan Rakyat dimaklumkan lebih RM3.2 bilion masih tertunggak dengan RM1.535 bilion membatik peminjam yang gagal dikesan.

Perbadanan itu dijangka

mengalami defisit sebanyak RM46 bilion pada 2020, jika peminjam PTPTN mengelak membayar balik tunggakan pinjaman dan keadaan ini akan memaksa Kementerian Pengajian Tinggi menjalankan kajian kemampuannya memberi pinjaman pada ma-

sa depan.

Sebelum ini, PTPTN dika-takan terpaksa menampung kekurangan dalam dana perbelanjaannya berikutan keputusannya mengurangkan caj pengurusannya daripada tiga peratus kepada satu peratus selain berhadapan masalah ramai peminjam yang ingkar untuk membayar balik pinjaman mereka.

Yunos berkata, seramai 34,615 disenaraihitamkan sejak PTPTN bekerjasama dengan Jabatan Imigresen melarang peminjam yang mempunyai tunggakan ke luar negara.

Mengenai cadangan memperketatkan syarat pinjaman, beliau berkata, kajian mengenainya masih dijalankan dan dijangka siap dalam masa terdekat.

“Masalah masih timbul apabila ramai peminjam yang bekerja tidak melaksanakan tanggungjawab membayar balik pinjaman”

Yunos Abd Ghani
Ketua Eksekutif PTPTN